

Date – 19/11/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. PWD Minister Pu Vanlalhlana khaw awm danin a zir chhoh tak avangin chak zawkin kawng siam hna an thawk ta tih a sawi.
2. Chief Information Commissioner, Heeralal Samariya-a chuan mipuiten Right to Information Act an hmang tangkai a, sorkar khalh ngil tura mipuite hmanraw pawimawh tak, a ni mek a ti.
3. G20 Summit 19-na chu Brazil khawpui Rio de Janeiro-ah nizan khan tan a ni
4. Union Home Minister Amit Shah-a kaihhruaiin nimin khan New Delhi-ah Manpura venhimna chungchang ngaihtuahin sawrkar hotute an thukhawm

<><><>

PWD MINISTER

PWD Minister Pu Vanlalhlana khaw awm danin a zir chhoh tak avangin chak zawkin kawng siam hna an thawk ta tih a sawi.

ZPM General Headquarters inkhawmah thusawiin Pu Vanlalhlana chuan tunhma chuan ‘kawng hmangin sum an siam’ tih tawngkam hriat a ni thin a, kalphung thar mipui Sorkar hnuaiyah chuan Sorkar sum dik taka hmangin kawng siam that hna thawh mek a ni, a ti a, kawng chhia chungchangah eptu party ten an bei nasa hle tih sawiin khawtha pe thei bik loten kawng tha pek an phut a, amaherawh chu mipuiten an hrethiam hle a ni a ti.

Pu Vanlalhlana chuan Mizorama kawngpui chu PWD enkawl vek a ni lova, NHIDCL leh BRO ten hmun tam tak an enkawl avangin kawngchhia siam that kawngah an che muang thin hle a, mipuiten harsatna an tawh thin avangin PWD a chet chhuah angai leh fo thin a ni, a ti bawk.

PWD Minister chuan, Tlawng lei dawh mek chu technology thar hmanga uluk taka siam a ni a, India rama a vawi khatna tur a nih avangin engineer-te pawhin an ngaihven hle a ni a ti a ni.

<><><>

MLA

MLA Pu R. Rohmingliana chuan nimin khan Central Jail leh Forensic Science Laboratory te a flawh a,

MLA hian New Delhi a India ram state hrang hranga MLA-te tan a, Law & Justice chung changa an zir te, Mizoram ah eng ang chin in nge an lo kalpui tih te hriat chian a duh vang a flawh a nih thu sawiin, New Delhi a National

Workshop an neih tum a an ngen angin, a hmuh dan te report pek a tum thu a sawi.

MLA hian, Mizo te hian Jail hi Misualte hremna lian tak hmun anga an ngaih thin chu thlak a hun tawh a ti a; Correction Centre in siamthatna/ in zirna/ in enkawlna tha a nih zia te hriat chhoh zel a tul a ni, a ti.

Forensic Laboratory hi ram a changkan poh leh a pawimawh tial tial dawn a ni, tiin, Mizoram ah pawh Aizawl ah chauh ni lo in, District Capital dang ah te pawh Unit tal hun vat a tul a ni, a ti a.

Lifetime Achievement award in Forensic Science, dawng tur a Pu Sangchungnunga (Director) thlan a ni chu Pu R. Rohmingliana chuan a lawmpui thu sawin, Zofate zingah hetiang award dawng thei an awm chu a chhuan thu a sawi baw.



CIC

Sorkar laipua Chief Information Commissioner, Heeralal Samariya-a chuan mipuiten Right to Information Act an hmang tangkai a, sorkar khalh ngil tura mipuite hmanraw pawimawh tak, a ni mek a ni a ti.

Mizoram tlawha lo zin mek Chief Information Commissioner chuan Akashvani corr zawhna chhangin mipuiten RTI an hman tangkai chuan sorkar hotuten thutlukna dik an siam theih phah thin a ni, a ti a. State sorkar tinin RTI hmangin mipuite zawhna an dawng thin tih sawiin ni 30 chhunga chhan ngei ngei thin a nih thu leh sorkar chhannaah mi an lungawi lo a nih chuan zawh chhunzawm nan 1st appeal leh 2nd appeal thlenga a awm thu a sawi a. Sorkar laipuah pawh kum tin RTI zawhna Nuai 40 atanga Nuai 50 an dawn thin thu a sawi a, hei hian mipuiten tangkai tak leh phur takin an thil hriat duh te hre turin RTI an hmang tangkai tih a tihlan thu a sawi.

Chief Information Commissioner chuan RTI Act chuan engkim langtlanga a siam thu a sawi a, hei hian sorkar tha a siam thei a ni, a ti a. Mipuite khalh ngil theih leh mipuite duhdan ngai pawimawh sorkar tha a siam thei dawn tih a sawi a. India ram pumah hybrid mode kalpui zel a nih tawh thu sawiin hemi awmzia chu internet kaltlangin e-registration kalpui a ni a, file pawh electronic file a vawn a ni vek tawh a, changkang leh awlsam taka kalpui zel tawh a ni, a ti. Chief Information Commissioner chuan Mizorama mipui, lehkha thiam tam lutuk te, Mizoramin ramngaw a nei tha em em mai te leh kawngpuia inkaihhraina tha avanga lirthei 'horn' hmeh rik tuarh tuarh awm ve lo chu nuam a tih thu leh a chenna nena khaikhinin vanram ang mai a nih thu a sawi baw a ni.

Chief Information Commissioner hian vawiin hian Serchhip district a tlawh ang.



KOLASIB

'Kolasib Land Committee' chu an Chairman Pu Robert C. Lalhmangaiha, Kolasib District Bawrhsap kaihhruaiin nimin khan an thukhawm a, House Pass leh Land Lease dilna lut hrang hrangte an thlir ho.

Meeting ah hian Member Secretary, Pi Lalvenhimi Ralte, Settlement Officer, Kolasib District chuan Land Committee chu Quarter tin a thukhawm tur an nih laiin harsatna awm avanga an thutkhawm zin theih thin loh thu a sawi a. Tun thutkhawmah hian Land Lease dilna lut 24 leh House Pass 37, a vaiin 61 a nih thu a sawi a. Land Committee-a ngaihtuah tura chhawpchuah te hi a hmun pawh teh fel vek tawh, Surveyor report pawh chhuak deuh vek tawh a nih thu sawiin, land lease thenkhat erawh kar thar lama report chhuak mai turte a awm thu a sawi.

Settlement Officer chuan Land Committee a ngaihtuah tura chhawpchuah turah hian ram/inhmun diltute Originality ngaih pawimawh tur a nih thu sawiin, Mizoram khua leh tui ngei an ni tih te, Ram inthuah a awm leh awm lohte, Development Project ti khaihlak thei emaw, khawtlang tan harsatna a siam em tihte ngaih pawimawh a nih thu a sawi bawk.

Land Committee thutkhawmah hian dilna lut hrang hrangte thlir ho a ni a. Village Council ten an dinhmun te an sawi chian hnuah dilna lut thenkhat chu Recommend tura pawm a ni a, a then erawh la ennawn leh tura dah a ni bawk.



MNF PR

MNF Treasurer Minister hlui Pu Lalruatkiman Sinlung Hills inthlanah ZPM chu mipui ngaihzawn an ni lo a, Kalphung thar sorkara an beiseina zawng zawng chu thuneihna duh luat vanga vote zawna mai a lo ni tih mipuiin an hmu chho mek a ti.

Nimina MNF Party Office Mizo Hnam Run a thu a sawinaah Pu Lalruatkima chuan Sinlung Hills Council Election 2024-ah MNF & HPC(R)-ten sorkar thar an siamah duhsakna chibai a buk tih a sawi a, Mizoramin zalenna famkim a neihna tura hnam pasalthate leh martarte zahna chibai an buk nawn leh a ni, tiin, Ram leh hnam tana nunna hlu tak thapa, in inpekna chu Zofate thinsungah a nung reng dawn," a ti a.

MNF din chhan chu chu ram, hnam, sakhua a him theihna tura beih te, thendarha awm Zofate zalenna tur te, hnam anga dam khawchhuahna tur te, Zofate luah chin humhim zelna tura hnam pasaltha leh martarte sulhnu hnutchhiah leh meichher chhit hi a mih mai lohna turin thangtharten an hniak hnung an zui zel dawn a ni a ti.



AIR ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihtlak leh chhiar theih a dah a ni.



PM IN RIO

G20 Summit 19-na chu Brazil khawpui Rio de Janeiro-ah nizan khan tan a ni a. He hunah hian member ramte leh khawvel huap aiawhte an kalkhawm a. He hunah hian chaw ei tur nei loh avanga riltamna, retheihna leh intluklanlohna do chu an sawiho lian ber a ni a.

Prime Minister Narendra Modia pawh Plenary Session-ah telin G20 Brazil Summit ah hian One Earth One Family One Future chu nikuma Delhi-a Summit neih a nih lai ang tho khan a la pawimawh hle a ni a ti.

Summit neih karlakah hian Prime Miniser Modia hian khawvel ram hrauitute a kawm dawn a. An zingah hian US President Joe Biden, Singapore Prime Minister Lawrence Wong leh UN Secretary General António Guterres te an tel a ni.



MANIPUR

Union Home Minister Amit Shah-a kaihhruaiin nimin khan New Delhi-ah Manpura venhimna chungchang ngaihtuahin sawrkar hotute an thukhawm a. Thudawn danin sawrkar laipui chuan Central Armed Police Forces (CAPF) Company 50 Manipur-a dahbelh dawn a ni.

Union Home Minister hian Pathianni khan Manipur dinhmun thlir hian thutkhawm a lo neihpui tawh a. Kan correspondent sawidanin security force te chu remna leh muanna a awm theih nan a tul anga hma la tura hriattir an ni a. Tun hnaiah Manipur-a venhimna dinhmun a derthawng hle niin a sawi bawh a ni.



ELECTION

Naktuka Maharastra leh Jharkhand Assembly inthlan buatsaih turin inbuatsaihna peih fel thawkhat a ni tawh.

Puan tawh angin campaign hi nimin tlai khan a tawp a. Political Party hruaitu senior ten campaign tawp ni ah hian mipuite vote hui thei turin theihtawpin tan an la a. Naktuk hian vote thlak a ni ang.

Jharkhand-ah chuan inthlan thawhnhinnaah hian vantlang inkhawm tum 150 chuang buatsaih a ni. Kan corr report I lo ngaihthlak bel hang u.

(VC)

Maharastra-ah hian Assembly seat 288 ah ngawrh takin party tin an campaign a ni. Kan Correspondent report I lo ngaithla ang u.

(VC)

Inthlana vote tla te hi tun thla ni 23 ah chhiar a ni ang.

